

# Ki jan Nou Pran Desizyon sou Benefis Asirans ou Yo pou Tèt Ou pap Travay la

How Your Unemployment Insurance Benefits are Determined



## Peryòd de baz

Kantite "lajan" w ap touche pou asirans pou tèt ou pap travay la (UI) – Konbyen kòb ou ka touche si ou genyen tout sa yo mande pou ou kalifye yo – nou deside konbyen lajan sa a ye daprè kòb n ap peye ou pandan tout tan ou pap travay la jiska 52 semèn. Se lwa nan Massachusetts ki deside sou bagay sa yo. Yo rele bagay sa a "peryòd de baz."

## Ki jan nou deside sou peryòd de baz ou a

Peryòd de baz prensipal ou a – nou vle pale de epòk kote nou te fèk konte semèn ou te fè ap travay yo pou nou ka regle konbyen kòb nou fèt pou n peye w pou asirans pou moun ki pap travay yo - se kat dènye sezón travay nan ane a tou swiv anvan dat yo te aksepte demand ou te fè a.

Ou gen dwa fè demand ou a daprè on "lòt peryòd de baz" si genyen on ka espesyal ki ekri espesifikman nan lwa a.

Lè genyen on ka kote nou blije sèvi a lòt peryòd de baz la, nou deside sou demand ou a daprè kòb ke nou peye w pandan twa dènye sezón travay ke ou te fin fè ap travay yo, epi tout tan ki pase apre dènye sezón ou te travay la epi anvan dat kote nou te aksepte demand ou te fè a. (Gade tablo ki nan do paj sa w ap li a.)

## Ane ou fè ap touche a

Pou ou ka konprann ki jan bagay yo fonksyone, li enpòtan pou ou konnen ki jan nou deside sou benefis ou yo. Depi nou fin aksepte demand ou a, nou kalkile sa nou rele on "kredi pou benefis." Kredi pou benefis la se tout kantite lajan ke ou ta sipoze touche pou tout "ane w ap resevwa benefis yo" si ou kalifye pou tout lòt bagay lwa a mande yo.

"Ane benefis" ou a se 52 semèn ki vini apre lè nou te aksepte demand ou a.

Ni tou nou kalkile sa nou rele "benefis chak semèn", ki se kantite kòb w ap touche chak semèn nan. Nou kalkile lajan sa a daprè on kalkil nou fè sou konbyen kòb ou te konn touche chak semèn pou sis dènye mwa ou te touche ki te pi plis yo. Kòmanse depi mwa Oktòb 2005, pi plis kòb on moun ka touche se \$551 chak semèn.

"Konbyen tan benefis ou yo ap dire". Nou konte pi fò kantite semèn ou ka touche benefis yo konsa, nou divize kredi benefis ou yo pa benefis chak semèn yo. Pi fò tan on moun ka touche asirans pou moun ki pap travay yo nòmalman se 30 semèn.

Pi fò "kredi benefis" la se \$ 16,530 -\$ 551 pou 30 semèn.

N ap voye ba ou pa lapòs enfòmasyon sou konbyen lajan ou ka kalifye pou ou touche a - tout kantite kòb ou ka kalifye pou ou touche a si ou kalifye pou tout lòt bagay lwa a mande yo.

## Ki jan nou deside sou konbyen kòb ou ap genyen pou ou touche lè w ap kolekte benefis pou moun ki pap travay yo

Konpayi nan Massachusetts fèt pou yo fè rapò sou konbyen kòb moun ki ap travay pou yo touche anvan 15 jou pase sou lè chak twa mwa travay fini. Sa vle di ke yo fè rapò sou konbyen kòb moun ki ap travay pou yo a touche an Avril, Jiyè, Oktòb epi Janvye. Nou sèvi a enfòmasyon sou konbyen kòb ou touche sa a pou nou kalkile konbyen kòb ou sanble ou ka touche pou benefis UI pou moun ki pap travay yo.

Lè se a peryòd de baz prensipal la nou sèvi, nou kalkile konbyen kòb ou ap touche a daprè kantite kòb

Si ou te fè demand ou a an :	Nou kalkile Benefis ou yo daprè kòb ou te konn touche Kòmanse:	Jiska:
Avril/Me/Jen 2005	1 <sup>er</sup> Avril, 2004	31 Mas, 2005
Jiyè/Out/Septanm 2005	1 <sup>er</sup> Jiyè, 2004	30 Jen, 2005
Oktòb/Novanm/Desanm 2005	1 <sup>er</sup> Oktòb, 2004	30 Septanm, 2005
Janvye/Fevrye/Mas 2006	1 <sup>er</sup> Janvye, 2005	31 Desanm, 2005

ou te konn touche pou kat dènye sezon ou te fè ap travay yo.

### Konprann Peryòd de baz prensipal la.

Si ou gade nan table ki pi wo a, w ap ka wè ke nou gade sou dènye chèk ou te touche yo si ou fè demand ou a bonè nan sezon an. Lè ou fè demand ou a lè sezon an ap fini, kòb nou sèvi avèk li pou nou kalkile konbyen kòb ou ap touche a yo gen dwa pot ko mete dènye ogmantasyon yo te ba ou anan lajan ou ap touche a.

### Konprann Lòt Peryòd de Baz la

Si ou pa kalifye pou benefis yo lè nou sèvi avèk peryòd de baz prensipal la, alòs ke si nou te sèvi ak lòt peryòd de baz la, ou tap kalifye, **otomatikman** DUA ap sèvi avèk metòd sa a pito pou nou ka kalkile benefis ou yo.

Lè nou konsidere lòt peryòd de baz la, nou ap egzekite demand ou a daprè konbyen kòb ou te konn touche pandan twa dènye sezon travay ou te fè nan djòb la, an plis de sa epòk apre dènye sezon ou te fè ap travay la, epi anvan dat ou te fè demand pou benefis yo. Nou mete kèk egzanp pi ba a.

### Ki lè ou ka chwazi Lòt Metòd la.

Si genyen kèk sikontans byen espesifik ki nan lwa yo, moun ki fè demand yo gen dwa **chwazi** pou yo mande pou yo kalkile demand yo a daprè lòt metòd la, menm si yo te ap kalifye pou kèk benefis si nou te sèvi avèk peryòd de baz prensipal la.

### Ou gen dwa kalifye pou opsyon sa a sèlman si:

- Ou te konsidere “peryòd de baz” prensipal la lè ou te fèk fè demand ou a.
- Kredi benefis ou yo pi piti pase \$15,027.
- Ou ka ekri pou ou ba DUA “enfòmasyon ke yo ka kwè” (nan enfòmasyon sa yo ou ka ekri enfòmasyon sou kòb Ou te konn touche yo , men ou ka mete enfòmasyon sou lòt bagay tou si ou vle) tankou tout kredi benefis ke w ap touche a lè yo konsidere “lòt peryòd de baz la” ap vin gen omwen **10 pou san kòb anplis** ke tout benefis kredi ou tap touche si se metòd prensipal la nou te konsidere.

### Ou pap kalifye pou opsyon sa a si:

- Lè demand ou a te fèk fèt la se te “ peryòd de baz” prensipal la nou te konsidere epi kredi benefis ou a pi plis pase \$ 15,027.
- Demand ou a te gen tan fèt déjà e se “lòt peryòd de baz la” nou te konsidere lè nou tap fè li.

### Si ou pa dakò avèk rapò yo te bay sou konbyen kòb ou tap touche a.

Si ou pa dakò a rapò Depatman ki okipe koze de kantite kòb moun kap travay yo touche a te bay DUA sou konbyen kòb ou te konn touche a, rele Sant kote ou ka diskite ka w la nan telefòn nan. DUA ap mande w pou ou bay pwèv sou kantite lajan w ap di ki genyen erè ladann nan, epi apre sa y ap mande konpayi ou tap travay pou yo a pou yo voye enfòmasyon yo ba yo dirèktman.

Si apre kalkil yo, nou wè ke ou pat touche ase lajan ni pou peryòd de baz prensipal la, ni pou lòt peryòd de baz la pou nou aksepte demand ou a, ou byen si ou toujou pa dakò avèk kantite kòb yo te met nan rapò a, ou genyen dwa pou ou di ke ou pa dakò avèk desizyon an, pou nou ka al diskite sou sa.

Si ou genyen lòt kesyon ankò, tanpri mande moun ki ap travay nan DUA yo ki okipe zafè demand sa yo lè w ap fè entèvyou a avè yo.

Pou demand ki kòmanse le:	Nou kalkile benefis ou yo daprè kòb ou te konn touche	
Kòmanse:	Jiska:	
10 Avril, 2005	1 <sup>er</sup> Jiyè, 2004	9 Avril, 2005
19 Jen, 2005	1 <sup>er</sup> Jiyè, 2004	18 Jen, 2005
3 Jiyè, 2005	1 <sup>er</sup> Oktòb, 2004	2 Jiyè, 2005
4 Desanm, 2004	1 <sup>er</sup> Janvye, 2005	26 Novanm, 2005